

sente parte quelli che avessero comprato de li dani de le rason prediete.

322

Exemplum.

Die 25 Augusti 1512, in Rogatis.

Tanto continuamente cresce la versutia de li efrenati appetiti sì de homeni come de le donne de questa nostra cità, che poco curano spender et butar al vento le facultà et beni loro, et meno temeno et hanno in reverentia el nostro Signor Dio, cum tal modi che si presto non è provisto et obvia a tal immoderati appetiti, che subito hanno pensata la malitia per prevertir et confunder li sanctissimi ordeni sopra ciò statuiti et posti; et perchè per la parte presa in questo Consiglio a dì octo mazo proxime passato fu deliberato che tuti i nobeli nostri, sì homeni come donne, che preteriranno li ordeni et leze statuite sopra le pompe et ornamenti, che i padri per le fiole et i maridi per le moglie sottostasino ad esse leze et siano mandati debitori a palazzo come in esse se contien, intervien che la magior parte de queste donne, che sono inobediente, sono donne et homeni nobeli zoveni, et cussì zovenil età che poco curano officii et rezimenti, et meno esser mandati debitori a palazzo, et despreciano le leze nostre nè li prestano obedientia; et essendo al tuto necessario proveder,

L'anderà parte, che cussì come per le leze et ordeni nostri è statuito che li transgressori incorrano et deno esser incorsi in la pena per esse leze expressa, cussì alla execution *de cætero* et exaction de la dicta pena possano esser astretti personalmente, et retentuti tutti quelli che seranno ritrovati inobedienti, alla condition che sono li altri cittadini nostri.

323

Fu posto, per i consieri, che, atento la morte di sier Zorzi Pizamano qu. sier Fantin, che era 40 criminal, di quelli andò a sue spexe a la custodia de, che sia in locho suo sier Zuan Agustin so fradello mazor di età, sicome in altri è stà concesso, a compir la quarantia; la qual parte non se intendi presa sì la non sarà presa nel nostro Mazor Consejo. Ave

Fu posto, per i savii, dar provision ducati 20 al mexe a domino Zuan conte Brandolin, et ducati 10 a Marcho dal Castelazo, et ducati 10 a Sacardo da Sonzin, fonno condutieri nostri, a raxon di page a l'anno, *ut in parte*. Fu presa.

Fu posto, per i savii, atento il signor Vitello habi

compita la conduta havia con la Signoria nostra insieme con el qu. signor Chiapin suo fratello, che l' dito signor Vitelli sia rifermato per uno anno certo e uno di rispetto in libertà di la Signoria nostra con homeni d' arme 150, et habi el dito il loco sora l' artelarie, *videlicet* visier con provision ducati 700 a l' anno, a page 10 a l' anno, *ut in parte*. Contradixie sier Gasparo Malipiero, fo savio a terra ferma, dicendo non è tempo di far questi agumenti adesso per non meter confusion in campo, e il governador dichi: « feme anche mi capitano zeneral » etc. Li rispose sier Zorzi Corner cavalier, procurator, savio dil Consejo; et voleva andar sier Piero Trun savio a terra ferma, ma dete luogo al savio grando. Andò la parte: 33 di no, e fu presa.

Fu posto, per sier Vetur Morexini provedador sora le pompe, una parte di poter *de cætero* tutti coloro che i condanerano per haver trasgresso le leze e portà cosse devedade, che i possino far l' execution *in bonis et etiam* in le persone, che prima mandavano debitori a palazzo; et parlò sier Vetur Morexini. Non li fo contradito. Have 63 di no, 92 de sì, et fu presa. La copia sarà posta qui avanti.

Fu posto, per i savii, skriver a Roma a l' orator nostro in recomandatione di uno fradello fo dil conte Piero Monocovich, fo amazato da' francesi in Lignago, che li sia dato beneficii per ducati 300 su el nostro dominio, atento li meriti dil fradello, zoè uno veschoado in Dalmatia per tanta valuta, con questo dagi di ditta intrada ducati 100 a uno altro so fradello a l' anno; e fu presa.

Di Verona, di Zuan Jacomo Caroldo secretario, di Dil tornar li stato dal cardinal sguizaro, molto stracho, e feva il suo star li gran fructo, e quelli cittadini, da 12 in fuori, sono tutti marcheschi; e si ben hanno ditto qualcosa contra la Signoria nostra, l' ha fato per poter viver con todeschi, non che non desiderano esser soto San Marco; et che havia ricevuto l' hordine nostro di ritornar dal dito cardinal. À ricevuto le letere di cambio di ducati 3000 a Milan per dar a esso cardinal per resto etc.; e cussì anderà exequendo i mandati di la Signoria nostra.

Di campo, di provedadori zenerali, date 323^a apresso Brexa, a dì 23 avosto, a hore 24. Come esso provedador Capello eri sera montò a cavallo et andò alozar a lo alozamento di sier Lunardo Emo per esser più propinquo a le artellarie dil monte, e per veder come erano fate le guardie a quelle. E per esser ancora più profiquo, à electo uno altro alozamento per la notte a una caxeta è a mezo il monte,